

Ondjovo ya Kalunga yeuya kOmuprofeti WILLIAM MARRION BRANHAM

“Jesus Kristus Oye Kalunga”

Paife olo olo ehololo: Jesus Kristus oye Kalunga. Jehova wEtestamenti Likulu oye Jesus waali Lipe. Kutya nee oukendabale neenghono shifikepeni, ove ito dulu okuulika kuna Ookalunga VATATU. Ndele sho nasho ohashikwata ehololo kOmhepo Iyapuki okukuninga wuudeko oshili kutya Ye oye Umwe. Ohashi kwata ehololo okumona kutya Jehova wo mEtestamenti Likulu oye Jesus womwaali Lipe. Satana okwiikokela mongeleka ndele tatwikifa ovanhu koshili eshi. Ndele naashi vatwikifwa kusho, kashali olule fiyo Ongeleka ya Roma yaxulifapo okushasha mEdina lOmwene Jesus Kristus.

Ame onda dimina kutya ohashi kwata ehololo loshili okudja kOmhepo Iyapuki okumona oshili kombinga youKaulanga omafiku aa eshi tuli mokati keshunduko lOmushangwa muhapu. Ndele okufindana, ongeleka findani oya tungwa mehololo hano fye ohatu teelee Kalunga etu hololele oshili Shaye kufye. Kakele, ove inopumbwa lela ehololo meshasho lomeva. Opo shili opo shekutaalela moshipala. Otashi shiiva ngoo mbela lwomunute umwe opo ovayapostoli va pukifwe okudja kelombwelo layukilila lOmwene okushashela mEdina la Xe no lOmhona no lOmhepo Iyapuki ndele nee teva hange mokuhaluufa kwowina? Ove shishiiva kutya Edina okwali lye, ndele nee kapena onhele imwe mOmushangwa opo vo vashasha omukalo umwe ulili ndele mEdina lOmwene Jesus Kristus. Etokolo liwa otali ku lombwele kutya Embo lOilonga ongeleka ili moilonga, na ngeenge ova shashela momukalo omo, nena osho oo omukalo wokushasha. Paife ngee otodilaadila kutya oshadjuupala, kwaashi ototi ngahelipi? Keshe umwe oo inashashelwa mEdina lOmwene Jesus okuna oku shashululwa natango.

Oilonga 19:1-6, “Ndele oshe uya kupita, kutya, manga Apollos ali mu Korinto, Paulus eshi a pitila poilongo yopombada okwe uya mu Efeso: ndele ta hange ovahongwa

vonumba, Ye okwatya kuvo, Omwa tambula tuu Omhepo Iyapuki eshi nye mwaitavela? Ndele vo ovatya kuye, Fye inatu uda shihapu ngeenge opena Omhepo Iyapuki. Ndele ye okwatya kuvo, Omu shike hano nye mwashashelwa? Ndele vo ovatya, Omeshasho la Johanness. Ndele Paulus okwatya, Johanness shili okwa shasha neshasho lelidilulo, tati kovanhu, kutya nava itavele mu Ye ou teke uya konima yaye, kutya omu, Kristus Jesus. Eshi vo veshiuda, vo ova shashelwa mEdina lOmwene Jesus. Ndele nee Paulus eshi ateneka omake aye kuvo, Omhepo Iyapuki oye uya muvo; ndele ovapopya nomalaka nokuxunganeke.” Oshosho shili opo. Ovanhu ava vawa vopu Efeso ova uda kombinga ya Messias teuya. Johanness okwe Mu udifa. Vo okwali va shashelwa melidilulo lomatimba, vatala KOMESHO va itavele mu Jesus. Ndele paife okwali efimbo lokutala KONIMA ku Jesus ndele toshashelwa MEDIMEPO lomatimba. Oshali efimbo loku tambula Omhepo Iyapuki. Ndele eshi vo kwali vashashelwa mEdina lOmwene Jesus Kristus, Paulus okwateneke omake aye kuvo ndele Omhepo Iyapuki oyeuya puvo.

Oh, ovaholike ovo ovakalimo pu Efeso okwali ovanhu vawa; ndele ngeenge keshe umwe okuna oufemba okuuda aamenwa, ova ninga. Didilika nghee vo vadja kokule. Vo ovadja ondjila aishe fiyo okutambulako Messias teuya. Vo okwali ve Mu lilongekidila. Ndele kuwete kutya kakele kwaasho vo ove Mu shekuna? Ye okwe uya ndele tai. Vo ovali va pumbwa oku shashelwa mEdina lOmwene Jesus Kristus. Vo ovali va pumbwa okuyadifwa nOmhepo Iyapuki.

Ngeenge ove owa shashelwa mEdina lOmwene Jesus Kristus, Kalunga ote ku yadifa nOmhepo ya Ye. Osho osho Ondjovo. Oilonga 19:6 edi fye twalesha okwali ewanifepo lOilonga 2:38, “Lidilululeni, ndele tamushashelwa *keshe umwe womunye* mEdina la Jesus Kristus molwedimepo lomatimba, ndele nye ota mu ka tambula omaano Omhepo Iyapuki.” Uuwete, Paulus, kOmhepo Iyapuki, okwa popya lela eshi Petrus apopya kOmhepo Iyapuki. Ndele eshi shapopiwa ITASHI shendjwa. Oshina okukala shimwe okudja pu Pentekoste fiyo omuhoololwa ou waxuunina lela okwa shashwa. Ovangelati 1:8, “Ndele kutya ofye, ile omu engeli adja keulu, taudifa eudifo limwe layooloka kunye lihefi eli fye twa udifa kunye, mu efeni akale afigwa.”

Paife vamwe vomunye vanhu nyee Ovanaushimwe ohamushashe epuko. Nye ohamu shashele metambulomwenyomupe shafa okuninginifwa momeva kweku xupifa. Okutambulomwenyomupe ihaku uya komeva; oilonga yOmhepo. Omulumenhu ou kOmhepo Iyapuki ayandja elombwelo, “Lidilulula ndele to shashelwa keshe umwe mEdina lOmwene Jesus,” inatya kutya etambulomwenyomupe lomeva. Ye okwati oshali ashike euliko “lomaliudo mawa moku yuka ku Kalunga.” Osho ashike kwali osho. I Petrus 3:21, “Pafaneko lafa eli omo neshasho nalo paife tali tu xupifa (shihafi okutula po kwoinima yii yopambelega, ndele enyamukulo lomaliudo mawa ku Kalunga,) kenyumuko la Jesus Kristus.” Ondeshi itavela.

Ngeenge pena umwe ena ediladilo lapuka kutya ondjokonona ota I ulike eshasho lomeva momukalo umwe ulili shihafi mEdina lOmwene Jesus Kristus, Ame ohandi ku pe omayele uleshe eendjokonona ndele tolimoneneko kwoove mwene. Eshi tashi shikula apa oshili yadidilikwa yEshasho olo laningilwa mo Roma A.D. 100 ndele ola shanguluwa moshikuulanda sho TIME, December 5, 1955. “Omudiakoni okwa yelula eke laye, ndele Publius Decius okwa pitila momuvelo weshashelo. A fikama atetelamoshiya momeva okwali Marcus Vasca omulandifi woiti. Ye okwali teliyolifa eshi Publius euya momeva konima yaye. ‘Credis?’ ye okwa pula. ‘Credo,’ Publius okwa nyamukula. ‘Ame ondaitavela kutya exupifo lange ohali di ku Jesus ou Kristus, Oo kwali avalelwa komushiyakano koshi ya Pontius Pilatus. Pamwe na Ye Ame ndafya opo pamwe na Ye Ame ndi kale nOmwenyo wa Alushe.’ Ndele okwa uda omaoko eenghono taemu yambidida eshi ye te li efa awile konima momeva, ndele a uda ewi la Marcus mokutwi kwaye – ‘Ame ohandi ku shashele mEdina lOmwene Jesus’ – eshi omeva matalala atuvika kuye.”

Okudja opo fiyo oshili sha kana (ndele inashi aluka fiyo epipi eli laxuuninwa – eshi okudja ku Nikea fiyo okualuka kwefelega mudo ou) vo ova shashela mEdina lOmwene Jesus Kristus. Ndele osha alukila ko. Satan ita kaleke ehololo pedu ngeenge Omhepo yahala okuli yandja.

Heeno, ngeno okwali kuna ooKalunga vatatu, ove ngeno oto dulu lela okushasha mu Xe, nomOmona, ndele nomOmhepo

Iyapuki. Ndele EHOLOLO LAPEWA JOHANESS olali kutya okuna KALUNGA UMWE na Edina laye olo OMWENE JESUS KRISTUS, ndele oto shashele Kalunga UMWE ndele umwe aeke. Omolwaasho Petrus ashasha omukalo oo ye aninga pu Pentekoste. Ye okuna okukala moshili kehololo olo kwali, “Efa eumbo alishe la Israel lishiive mekwashilipaleko, kutya Kalunga okwa ninga JESUS UMWE oo, Ou nye mwa valela komushiyakano, ASHISHE OMWENE NA KRISTUS.” Ye Oye oo, “OMWENE JESUS KRISTUS.”

Ngeenge Jesus oye “ASHISHE” Omwene na Kristus, nena Ye (Jesus) oye, ndele itakala vali shimwe ndele “Xe, Omona, nOmhepo Iyapuki” ili mOmunhu UMWE aholoka mombelela. Sho HASHO “Kalunga movanhu vatatu, eyambekwa loukwatatu,” ndele KALUNGA UMWE, OMUNHU UMWE nomaifano manene atatu, neembelewa dili nhatu tadiholola omaifano oo. Shiuda lumwe vali. Jesus umwe ou oye “ASHISHE Omwene na Kristus.” Omwene (Xe) na Kristus (Omhepo Iyapuki) ovo Jesus, shaashi Ye (Jesus) oye ASHISHE shavo (Omwene na Kristus).

Ngeenge osho itashi tu ulikile ehololo lashili louKaluga, kapenasha tashi ka ulika. Omwene KASHISHI mukwao umwe; Kristus KASHISHI mukwao umwe. Jesus ou oye Omwene Jesus Kristus – KALUNGA UMWE.

Fillipus efiku limwe okwatya ku Jesus, “Omwene, tu ulikila Tate ndele fye otashi tu wanene.” Jesus okwa tya kuye, “Ame onda kala nanye olule ndele ove ku shii Nge? Ou amona Nge okwa mona Tate, hano omolwashike ove toti, Tu ulikila Tate? Ame na Tate Umwe.” Ame onda endululile ngaho lumwe ndele omukainhu tati, “Omunute ashike, Mr. Branham, ove nomukulukadi woye umwe.” Ame onda tya, “Hamukalo oo.”

Ye okwatya, “Toti ngahelipi?”

Hano Ame ondatya kuye, “Ove ou wete nge?”

Ye okwatya, “Heeno.”

Ame ondati, “Ove ou wete omukulukadi wange?”

Ye okwati, “Ahowe.”

Ame ondati, “Hano oushimwe winya owoludi liilile, shaashi Ye okwati, Ngeenge wa mono Nge, ou wete Tate.”

Omuprofeti okwati kutya otashikala ouyelele mefimbo lokomatango. mEimbilo osha nyolwa:

Otashi kala Ouyelele mefimbo
lokonguloshi,
Ondjila yo kEfindano otoka hanga shili,
Momukalo womeva, osho oo Ouyelele
nena,
Fudikwa mEdina londilo la Jesus.
Omunyasha nomukulupe, lidilula omatimba
oye aeshe,
Omhepo Iyapuki otai yamo shili.
Ouyelele wokonguloshi owe uya,
Oshoshili kutya Kalunga na Kristus ovo
umwe.

Kashali oule wefimbo Ame okwali handi popi nOmuhongi Omujuda. Ye okwatya kwaame, “Nye Ovakwaunyuni itamu tete Kalunga moipambu itatu ndele tamu Mu yandje kOmujuda. Fye otushishi xwepo shidulife pwaasho.”

Ame ondati kuye, “Osho sho ashike Muhongi, fye ihatu tete Kalunga moipambu ili itatu. Ove owa itavela ovaprofeti, ino itavela?”

Ye okwati, “Osholela Ame ondaitavela.”

“Ove owa itavela Jesaja 9:6?”

“Heeno.”

“Olye kwali tapopiwa komuprofeti?”

“Messias.”

Ame ondati, “Ekwatafano lilipi Messias takala ku Kalunga?”

Ye okwatya, “Ye ota kala Kalunga.”

Ame ondati, “Osho naanaa.” Amen.

Ito tula Kalunga movanhu vatatu ile moitolwa itatu. Ove ito lombwele Omujuda kutya okuna Xe, nOmona, nOmhepo Iyapuki. Ye oteku lombwele meendelelo kutya edilaadilo olo oladja peni. Ovajuda oveshishii eitavelo eli olatotwa mOshoongalele shoku Nikea. Naashi vo havetu ula onga ovapaani.

Fye ohatu popi kombinga ya Kalunga ou ihalunduluka. Ovajuda navo oveshi itavela. Ndele ongeleka oya lundulula Kalunga kayo omuhalanduluki okudja ku UMWE okuya ku VATATU. Ndele ouyelele otau aluka komatango. *Nghee tashikwata kutya oshili oshe uya pefimbo opo eshi Ovajuda tava alukile ko Palestina.* Kalunga na Kristus UMWE. Jesus Ou oye ASHISHE OMWENE NA KRISTUS.

Johaness okwali ena ehololo, na JESUS okwali Ehololo, ndeleYe okwe li etakoYemwene apa mOmushangwa –“AAME Ye Ou Kwali, Ou ndili na Ou te Uya, Omunaenghono adishe. Amen.”

Ngeenge ehololo olikuli pombada, tala pombada ndele toli kongele Kalunga. Osho osho ashike omukalo omo ove tokeli mona. Ehololo olina okudja ku Kalunga. Ihali uya nande paunhu, eyandjo lopaushitwe, ndele pakudja Pamhepo. Ove otodulu nokukopela Eendjovo, ndele nande osho oshikumwifa, osho itashi shiningi. Oshina okukala ehololo okudja ku Kalunga. Okwa tiwa mOndjovo kutya kapena omunhu tati kutya Jesus oye Kristus kakele mOmhepo Iyapuki. Ove ouna okutambula Omhepo Iyapuki ndele nee, ndele opo nee, opo Omhepo tai kupe ehololo kutya Jesus oye Kristus: Kalunga, Ou Omuvaekwa.

(Okudja mEnyanununo lEedula dEengeleka Heyali)

OVAMBO

©2011 VGR, ALL RIGHTS RESERVED

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org